

全上古三代秦漢三國六朝文

全漢文卷五十一

烏程嚴可均校輯

揚雄

雄字子雲蜀郡成都人陽朔中大司馬王音召爲門下史薦待詔除給事黃門郎歷成哀平三世不徙官王莽篡位轉大中大夫天鳳五年卒年七十一有方言十三卷訓纂一卷蜀王本紀一卷法言十三卷太玄經九卷琴清英一卷集五卷

蜀都賦

蜀都之地古曰梁州禹治其江涇臯彌望鬱乎青蔥沃野千里上稽乾度則井絡儲精下案地紀則坤宮奠位東有巴寶縣互百濮銅梁金臺火井龍湫其中則有玉石嵒岑丹青玲瓏邛節桃枝石鰾水螭南則有犍牂潛夷昆明峩嶷絕限岷嶓堪巖賈翔靈山揭其右離堆被其東于近則有瑕英菌芝玉石江珠于遠則有銀鉛

錫碧馬犀象棘西有

御覽九百六十
六作于西則

鹽泉鐵冶、橘林銅陵、邨連盧

池澹漫波淪其旁則有期牛兕旄金馬碧鷄北則有岷山外羌白

馬獸則麋羊野麋。羆犴獼獼麀麀鹿麀戶豹能黃。獼胡雌獼。獼獼。

獲獐猶穀畢方爾乃禽

文選西都賦注
南都賦注作奢

山隱天峴嶮迴叢增嶮重

峯岫石城

未
崔
枝
魁

詳米

岬岫霜雪終夏

文選南都賦注
作夏含霜雪

叩巖嶺嶺

崇隆臨柴諸徼嶷嶷五稔文選蜀都賦劉逵注作岷參差崩山巖巖觀上岑崑

文選蜀都賦
劉逵注作岷

參差、崩山巖巖

觀上岑崑

龍陽果嶠。灌粲交倚。雌嶧崛崎。集嶮脇施。形精出偈。堪嶠隱倚。彭

門
山
鳥
峴

文選蜀都賦駟
達注作鴻帆

嶢嶢峒峒方彼碑地嶧嶧嶧嶧平岳岳

北屬崑崙

文選蜀都賦
注作昆侖

泰極涌泉醴凝水流津漉集成川于是乎

則左沈犂右羌庭漆水淳其甸都江漂其脰乃溢乎通溝洪濤溶溶

沈千淩萬谷、合流逆折、必澗平爭降、湖濶排礙、反波逆瀉、礫石洶

巖紛波周溥旋溺兔綏頽塹搏岸敵呬粹瀨磴巖檠汾忽溶闔漉

踈窘出限連混隧銍釘鐘涌聲謹薄浮龍歷豐隆潛延雷扶輿

擊鴻鴻康濫速遠乎長喻馳山下卒湍降疾流分川竝注合乎江
州于木則梗櫟豫章樹榜檐櫨櫨押青稚雕梓枌梧楓櫨櫨樹木
稷柯信揖叢俊榦湊集枳櫨快楫北沈櫨椅從風推參循崖振撻
淫淫溶溶續紛紛靡汎閱野望芒芒菲菲其竹則鍾龍笳篴野篠
紛鬯宗生族攢俊茂豐美洪溶忿葦紛揚播翕與風披拖夾江綠
山尋卒而起結根才業填衍迴野若此者方乎數千里于汜則注
注漾漾積土崇隄其淺淫則生蒼葭蔣蒲蘆葦青蘋草葉蓮蕖菜
華菱根其中則有翡翠鴛鴦鸕鶿鸕鶿鸕鶿鸕鶿其淡則有獮獮
沈鰕水豹蛟虵鼉鱉鼉龜眾鱗鰓鰓案文選南都賦注江賦注七
是此下尚爾乃其都門二九四百餘閭兩江珥其前木作兩江
有脫文系六十一亦如此今從文選九橋帶其流武僊鎮都刻削成鼓王
蜀都賦注水經江水一注改基既夷獨侯尚叢林石石崩詳未斯岑倚從秦漢之徙充己山東木
元目從文選魏是已隕山厥饒水貢其獲且竹浮流龜鼈磧竹本
都賦劉逵注改

隨字從鼓石蠋相救魚酌不收鶯鶯鶯鶯風胎雨鷺眾物駭目單

文類聚補石蠋相救魚酌不收鶯鶯鶯鶯風胎雨鷺眾物駭目單

不知所禦爾乃其裸疑羅諸圃政未詳緣畛黃甘諸柘柿桃杏李杞

杞杜楸栗柰棠黎離支維已挺橙被已櫻梅樹已木蘭扶林禽煥

般關旁支何若英絡其間春机楊柳裏弱蟬杪扶施連卷鉅獬糖

蟻千躡呼焉爾乃五穀馮戎瓜瓠饒多卉已部麻往往薑桅附子

巨蒜木艾椒薤藟醬醯清眾獻儲斯盛冬育筍舊菜增伽百華投

春隆隱分芳蔓若熒翠藻蒞青黃麗靡摘燭本作摘燭從文若揮

錦布繡望芒芒今無幅本作望芒芒子于無鹽從藝文類聚改御

錦布繡望爾乃其人自造奇錦統緹經緹縵緣盧中發文揚采轉

之無蠶望爾乃其人自造奇錦統緹經緹縵緣盧中發文揚采轉

代無窮其布則細絺本作細都從御弱折絲繭成衽阿麗纖靡避

晏與陰蜘蛛作絲不可見風笛中文選蜀都賦黃潤一端數金雕

鏤鉛一作鉤御覽七器百伎千工二語本但存雕鏤知東西鱗集

南北竝湊馳逐相逢周流往來方輅齊轂隱隱軫軫本不重言隱

京賦注補幽暢埃致塵拂萬端異類崇戎總濃般旋圍齊啗楚而喉不

感概萬物更湊四時迭代彼不折貨我罔乏械財用饒贍蓄積備

具若夫慈孫孝子宗厥祖禰鬼神祭祀練時選日瀝豫齊戒龍明

衣表玄穀儼吉日異清濁合疎明綏離旅乃便有伊之徒調夫五

味甘甜之味勺藥之羹江東鮐鮑隴西牛羊糴米肥豬麀麀不行

鴻臚臘乳獨竹孤鶴炮鵝被紕之胎山腐隣腦水遊之腴蜂豚應

鴈被鷄晨鳧截鵝初乳山鶴既交春羔秋蹶膾鯪龜肴杭田孺鸞

形不及勞五肉七菜朦朧腥臊可目頤精神養血脈者本作可目

麻者從北堂書鈔未改本一百四十二校補案麻俗作麻固變為麻莫不畢陳爾乃其俗迎春送冬

本脫冬字從文選蜀都賦劉逵注補百金之家千金本作斤從文選注改之公乾池泄澳觀魚

于江若其吉日嘉會期于倍疑作倍口口春之陰迎夏之陽侯羅司

馬郭范鼎楊置酒乎榮川之閒宅設坐乎華都之高堂延帷揚幕

接帳連岡本脫連字從文選補眾器雕琢早刻將皇朱綠之畫邠

盼麗光龍蛇蜃蟠錯其中禽獸奇偉髦山林昔天地降生壯鄔密
促之君則荆上亡尸之相厥女作歌是弓其聲呼吟靖領激吻喝
嗽戶音六成行夏低徊胥徒入冥及廟嚙吟諸連單情舞曲轉節
踣駁應聲其佚則接芬錯芳穠祐繼延踣淒秋發陽春羅儒吟吳
公連眺朱顏離絳脣眇眇之態吡噉出焉若其遊意漁弋卻公之
徒本作若其遊意魚弋羣公之徒從相與如平陽瀕本作如平陽
文選蜀都賦劉逵注茲文類聚改巨野本作臣沼從文選羅車百乘期會投宿觀者方隄類聚
注政防作方行船競逐文選吳都賦偃衍撒曳絺索恍惚羅畏一作彌澥
蔓蔓泔泔龍唯哪兮罨布列枚孤施兮纖綴出驚雌落兮高雄壓
翔鵬掛兮奔縈畢俎飛膾沈單然後別古文苑韓元吉本又章樵注本又略見藝文類聚六

甘泉賦 井序

孝成帝時客有薦雄文侶相如者上方郊祠甘泉泰畤汾陰后土

已求繼嗣召雄待詔承明之庭正月從上甘泉還奏甘泉賦曰風
其辭曰

惟漢十世將郊上玄定泰時雍神休鮮明號同符三皇錄功五帝
卹肩錫羨拓迹開統于是邁命羣僚歷吉日協靈辰星陳而天行
詔招搖與泰陰兮伏鉤陳使當兵屬堪輿曰壁壘兮梢夔魑而扶
猶狂八神奔而警蹕兮振股麟而軍裝蚩尤之倫帶干將而乘玉
戚兮飛蒙茸而走陸梁齊總總擗擗其相膠葛兮茲駭雲訊奮曰
方攘駢羅列布鱗曰雜沓兮柴虎參差魚頡而鳥眈翕赫矧霍霧
集而蒙合兮半散照爛粲已成章于是乘輿迺登夫鳳皇兮而翳
華芝駟蒼螭兮六素虯螭略蕤綏濰庠慘纒帥爾陰閑霽然陽開
騰清霄而軼浮景兮夫何旛旐郅偁之旖旎也流星旄已電燭兮
咸翠蓋而鸞旗敦萬騎于中營兮方玉車之千乘聲駟隱已陸離
兮輕先疾雷而馭遺風陵商衍之崿嶷兮超紆譎之清澄登椽欒

而狝天門兮、馳閭闔而入凌兢、是時未轅夫甘泉也、迺望通天之
繹繹、下陰潛、已慘廩兮、上洪紛而相錯、直嶢嶢、已造天兮、厥高慶
而不可虐、疆度平原、唐其壇曼兮、列新雉于林薄、攢梓閭與焚苦
兮、紛被麗其亡鄂、崇丘陵之駸駸兮、深溝嶽巖而爲谷、遲遲離宮
般、已相燭兮、封巒石關、施靡庠延屬、于是大夏雲譎波詭、摧嵬而
成觀、仰橋首、已高視兮、目冥眴而亡見、正瀏濫、已弘惝兮、指東西
之漫漫、徒回回、已徬徬兮、魂固眇眇而昏亂、據軫軒而周流兮、忽
軼軋而亡垠、翠玉樹之青蔥兮、壁馬犀之騰璫、金人佺佺其承鍾
虞兮、嵌巖巖其龍鱗、揚光曜之燎燭兮、乘景炎之炘炘、配帝居之
縣圃兮、象泰壹之威神、洪臺掘其獨出兮、擲北極之嶠嶠、列宿迺
施于上榮兮、日月纔經于挾振、雷鬱律于巖突兮、電倏忽于牆藩、
鬼魅不能自還兮、半長途而下顛、歷倒景而絕飛梁兮、浮蔑蠚而
繖天、左機檜而右玄冥兮、前燁闕而後應門、陰西海與幽都兮、涌

醴汨呂生川、蛟龍連蜺于東厓兮、白虎敦圉、庫昆侖、覽樛流于高
光兮、溶方皇于西清、前殿崔巍兮、和氏瓏玲、炕浮柱之飛榱兮、神
莫莫而扶傾、閼閼閼其廖廓兮、倡紫宮之崢嶸、駢交錯而曼衍兮、
峻嶂隗廋其相嬰、乘雲閣而上下兮、紛蒙籠已棍成、曳紅采之流
離兮、颺翠氣之寬延、襲琬室與傾宮兮、若登高眇遠、肅虜臨淵、回
焱肆其礪駭兮、猋桂椒而鬱移楊、香芬第已竊隆兮、擊薄櫨而將
榮、薈咲肸已棍根兮、聲駢隱而歷鍾、掛玉戶而屬金鋪兮、發蘭惠
與宮竊、惟弼張其拂汨兮、稍暗暗而靚深、陰陽清濁、穆羽相和兮、
若夔牙之調琴、般倕棄其剗劂兮、王爾投其鈎繩、雖方征僞與僇、
佺兮、猶仿佛其若夢、于是變物化、目駭耳回、蓋天子穆然珍臺閒
館、琬題玉英、蠅蝓蠖濩之中、惟夫所曰澄心、清魂、儲精、垂思、感動
天地、逆釐三神者、迺搜述索輟、皋伊之徒、冠倫魁能、函甘棠之惠、
挾東征之意、相與齊虜陽靈之宮、靡薜荔而爲席兮、折瓊枝已爲

芳、喻清雲之流瑕兮、飲若木之露英、集虛禮神之囿、登乎頌祇之
堂、建光耀之長旂兮、昭華覆之威威、攀璇璣而下視兮、行遊目虛
三危、陳眾車于東阬兮、肆玉鈇而下馳、漂龍淵而還九垓兮、窺地
底而上回、風從從而扶轄兮、鸞鳳紛其御、羣梁弱水之淵、濶兮躡
不周之遙蛇、想西王母欣然而上壽兮、屏玉女而卻處妃、玉女無
所眺其清虛兮、處如曾不得施其蛾眉、方肇道德之精剛兮、眸神
明與之爲資、于是欽崇宗祈、燎熏皇天、招絲秦壹、舉洪頤、樹靈旗
樵蒸焜上、配熬四施、東燭倉海、西耀流沙、北熾幽都、南煬丹崖、玄
瓊觶醪、和鬯泔淡、肝嚮豐融、懿懿芬芬、炎感黃龍兮、燦訛頌麟、選
巫咸兮、叫帝閭、開天庭兮、延羣神、偵暗藹兮、降清壇、瑞穰穰兮、委
如山、于是事畢功弘、回車而歸、度三轡兮、偈棠梨、天閭決兮、地垠
開、八荒協兮、萬國諧、登長平兮、雷鼓礮、天聲起兮、勇士厲、雲飛揚
兮、雨滂沛、千霄德兮、麗萬世、亂曰、崇崇閭丘、隆隱天兮、登降列施、

單墀垣兮增宮嶮差駢嵯峨兮嶺嶙峋洞亡厓公上天之縑杳
旭卉兮聖皇穆穆信厥對兮倬祇郊禋神所依兮徘徊招搖靈遲
遲兮燁光眩耀隆厥福兮子子孫孫長亡極兮

河東賦

并序

其三月將祭后土上迺帥羣臣橫大河湊汾陰既祭行遊介山回
安邑顧龍門覽鹽池登歷觀陟西岳已望八荒迹殷周之虛眇然
已思唐虞之風雄已爲臨川羨魚不如歸而結網還上河東賦已
勒其辭曰

伊年暮春將瘞后土禮靈祇謁汾陰于東郊因茲已勒崇垂鴻發
祥隲祉欽若神明者盛哉鑠乎越不可載已于是命羣臣齊法服
整靈輿迺撫翠鳳之駕六先景之乘掉奔星之流旆張天狼之威
弧張耀日之玄旌揚左纛被雲梢奮電鞭騁雷輶鳴洪鍾建五旗
義和司日頽倫奉輿風發殿拂神騰鬼赴千乘霆亂萬騎屈橋噤

嘻旭旭、天地稠敷、簸丘跳躐、涌渭躍漚、秦神下龍、拓魂負沱、河靈
嬰蹠、爪華蹈衰、遂臻陰宮、穆穆肅肅、踴躍如也、靈祇既鄉、五位時
敘、綱緼玄黃、將紹厥後、于是靈輿安步、周流容與、已覽庫介山、嗟
文公而愍推兮、勤大禹于龍門、灑沈潛于豁瀆兮、播九河于東瀕、
登歷觀而遙望兮、聊浮游已經營、樂往昔之遺風兮、喜虞氏之所
耕、瞰帝唐之嵩高兮、脈隆周之大寧、汨低徊而不能去兮、行睨陔
下與彭城、滅南巢之坎坷兮、易幽岐之夷平、乘翠龍而超河兮、陟
西岳之嶢嶠、雲飛霧而來迎兮、澤滲離而下降、鬱肅條其幽謫兮、
溺汎沛已豐隆、吐風伯于南北兮、呵雨師于西東、參天地而獨立
兮、廓盪盪其亡雙、邇逝虜歸來、已函夏之大漢兮、彼曾何足與比
功、建乾坤之貞兆兮、將悉總之已羣龍、麗鉤芒與驂蓐收兮、服玄
冥及祝融、敦眾神使式道兮、奮六經已據頌、踰於穆之緝熙兮、過
清廟之雝雝、軼五帝之遐迹兮、躡三皇之高蹤、既發軔于平盈兮、

誰謂路遠而不能從

漢書揚雄傳疏
文類聚三十九

羽獵賦

有序

孝成帝時羽獵雄從已爲昔在二帝三王宮館臺榭沼池苑囿林
麓鼓澤財足已奉郊廟御賓客充庖廚而已不奪百姓膏腴穀土
桑柘之地女有餘布男有餘粟國家殷富上下交足故甘露零其
庭醴泉流其唐鳳凰巢其樹黃龍游其沼麒麟臻其圃神爵棲其
林昔者禹任益虞而上下和草木茂成湯好田而天下用足文王
囿百里民已爲尚小齊宣王囿四十里民已爲大裕民之與奪民
也武帝廣開上林東南至宜春鼎湖御宿昆吾旁南山西至長楊
五柞北繞黃山濱渭而東周袤數百里穿昆明池象滇河營建章
鳳闕神明駁娑漸臺泰液象海水周流方丈瀛洲蓬萊游觀侈靡
窮妙極麗雖頗割其三垂已贍齊民然至羽獵甲車戎馬器械儲
備禁禦所營尚泰奢麗誇詡非堯舜成湯文王三驅之意也又恐

後世復修前好、不折中、曰泉臺、故聊因校獵賦、曰風之、其辭曰、
或稱義農、豈或帝王之彌文哉、論者云否、各曰竝時而得宜、奚必
同修、而共貫、則泰山之封焉得七十、而有二儀、是曰創業垂統者、
俱不見其爽、遐邇五三、孰知其是非、遂作頌曰、麗哉神聖、處于玄
宮、富既與地平、俾譬貴正與天乎、比崇齊桓、曾不足使扶轂、楚嚴
未足曰爲騶乘、狹三王之阨僻、嶠高舉而大興、歷五帝之寥廓、涉
三皇之登闕、建道德、曰爲師、友仁義、與之爲朋、于是玄冬季月、天
地隆烈、萬物權輿于內、徂落于外、帝將惟田于靈之圃、開北垠、受
不周之制、曰奉終始、顓頊、玄冥之統、迺詔虞人、典澤、東延昆緄、西
馳閭閻、儲積共饑、戍卒夾道、斬叢棘、夷野草、御自汧渭、經營鄠鎬、
章皇周流、出入日月、天與地杳、爾迺虎路三轡、曰爲司馬、圍經百
里、而爲殿門、外則正南極海、邪界虞淵、鴻濛沆茫、揭曰崇山、營合
圍會、然後先置平白楊之南、昆明靈沼之東、賁育之倫、蒙盾負羽、

杖鎖邪而羅者已萬計其餘荷垂天之畢張竟壁之罽靡日月之
朱竿曳彗星之飛旗青雲爲紛紅蜺爲纓屬之乎崑崙之虛渙若
大星之羅浩如濤水之波淫淫與與前後要遮機槍爲闢明月爲
候熒惑司命天弧發射鮮扁陸離駢衍佻路徽車輕武鴻絢繞獵
殷殷軫軫被陵緣坂窮負極遠者相與列乎高原之上羽騎營營
昕分殊事繽紛往來輻輳不絕若光若滅者布乎青林之下于是
天子乃弓陽晁始出虛玄宮撞鴻鍾建九旒六白虎載靈輿蚩尤
竝轂蒙公先驅立歷天之旂曳梢星之旒霹靂烈缺吐火施鞭萃
從沆溶淋離廓落戲八鎮而開關飛廉雲師吸漚瀟率鱗羅布列
攢弓龍翰啾啾蹌蹌入西園切神光望平樂徑竹林蹂蕙圃踐蘭
厓舉燧烈火轡者施技方馳千駟狡騎萬帥虓虎之陳從橫膠轕
焱拉雷厲驥駢踰礪洶洶旭旭天動地岷羨漫半散蕭條數千萬
里外若夫壯士忼慨殊鄉別趣東西南北騁耆奔欲拖蒼旒跋犀

聲蹶浮塵斷巨艇博玄猿騰空虛距連卷踔天蟻娛澗門莫莫紛
紛山谷爲之風蒺藜叢爲之生塵及至獲夷之徒蹶松柏掌蕢藜
獵蒙龍麟輕飛屢般首帶脩蛇鉤赤豹揜象犀躡巒阮超唐陂車
騎雲會登降闡諷泰華爲旒熊耳爲綴木仆山還漫若天外儲與
虜大浦聊浪乎宇內于是天清日晏逢蒙列肯羿氏控弦皇車幽
輟光純天地望舒彌繼翼乎徐至于上蘭移圍徒陣浸淫楚部曲
隊堅重各案行伍壁壘天旋神扶電擊逢之則碎近之則破鳥不
及飛獸不得過軍驚師駭刮野掃地及至罕車飛揚武騎聿皇蹈
飛豹霜噪陽追天寶出一方應駢聲擊流光壅盡山窮囊括其雌
雄沈沈溶溶遙噓庠絃中三軍世然窮允關與亶觀夫剽禽之繼
踰犀兕之抵觸熊羆之挈纓虎豹之凌遽徒角槍題注蹙竦驚怖
魂亡魄觸輻關版妄發期中進退履獲創淫輪夷丘累陵聚于是
禽殫中袞相與集于靖冥之館已臨珍池灌巨岐梁溢巨江河東

瞰日盡西、曷無崖、隨珠和氏、焯爍其陂、玉石皆盜、眩耀青瑒、漢女
水潛、怪物暗冥、不可殫形、玄鸞孔雀、翡翠乘榮、王睢關關、鴻雁嚶
嚶、羣娛乎其中、唯唯、昆鳴、鳬鷖振鷺、上下砰礚、聲若雷霆、乃使文
身之技、水格鱗蟲、凌堅冰、犯嚴淵、探巖排碣、薄索蛟螭、蹈獷獫狁、據
鼉鼉、祛靈蠃、入洞穴、出蒼梧、乘巨鱗、騎京魚、浮彭蠡、目有虞、方惟
夜光之流離、剖明月之珠胎、鞭洛水之虛妃、餉屈原與彭胥、于茲
虀鴻生鉅儒、俄軒冕、雜衣裳、脩唐典、匡雅頌、揖讓于前、昭光振耀、
嚮習如神、仁聲惠于北狄、武誼動于南鄰、是呂旃裘之王、胡貉之
長、移珍來享、抗手稱臣、前入園口、後陳廬山、羣公常伯、陽朱墨翟
之徒、喟然竝稱曰、崇哉乎德、雖有唐虞大夏成周之隆、何呂侈茲
夫古之觀東嶽、禪梁基、舍此世也、其誰與哉、上猶謙讓而未俞也、
方將上獵三靈之流、下決醴泉之滋、發黃龍之穴、窺鳳凰之巢、臨
麒麟之囿、幸神雀之林、奢雲夢、侈孟諸、非章華、是靈臺、罕徂離宮、

而輟游觀土事不飾木功不彫烝民乎農桑勸之曰弗怠儕男女
使莫違恐貧窮者不徧被洋溢之饒開禁苑散公儲創道德之囿
弘仁惠之虞馳弋乎神明之囿覽觀乎羣臣之有亡放雉兔收置
罟罾鹿芻蕘與百姓共之蓋所已臻茲也于是醇洪烈之德豐茂
世之規加勞三皇勛勤五帝不亦至乎乃祇莊雍穆之徒立君臣
之節崇賢聖之業未遑苑囿之麗游獵之靡也因回軫還衡肯阿
房反未央

漢書揚雄傳文選
藝文類聚六十六

賜進士出身三品銜廣東等處提刑按察使司按察使兼督驛傳事務黃岡王毓藻校刊

全漢文卷五十二

烏程嚴可均校輯

揚雄二

長楊賦 并序

明年上將大誇胡人，呂多禽獸，秋命右扶風發民入南山，西自褒斜，東至弘農，南畝漢中，張羅網罟，捕熊羆豪豬，虎豹、狢、獾、狐、兔、麋、鹿，載呂檻車，輪長楊，射熊館，呂網爲周阨，縱禽獸其中，令胡人搏之，自取其獲，上親臨觀焉。是時農民不得收歛，雄從至射熊館，還上長楊賦。聊因筆墨之成文章，故藉翰林呂爲主人，子墨爲客，卿曰：風其辭曰：

子墨客卿問于翰林主人曰：蓋聞聖主之養民也，仁霑而恩洽，動不爲身，今年獵長楊，先命右扶風左太華而右褒斜，祿截薛而爲弋紆南山，呂爲罟羅，千乘于林莽，列萬騎于山隅，帥軍踔阨，錫戎

獲胡檻熊羆、拖豪豬、木擁槍、橐弓爲儲胥。此天下之窮覽極觀也。雖然，亦頗擾于農民。三旬有餘，其靡至矣。而功不圖，恐不識者外之。則已爲娛樂之游。內之則不弓爲乾豆之事，豈爲民乎哉？且人君弓玄默爲神、澹泊爲德。今樂遠出，弓露威靈，數搖動弓罷車甲，本非人主之急務也。蒙竊惑焉。翰林主人曰：吁！客何謂之？茲耶？若客所謂，知其一未睹其二，見其外不識其內也。僕嘗倦談，不能一二其詳，請略舉其凡。而客自覽其切焉。客曰：唯唯。主人曰：昔有強秦封豕其土、竄竄其民，鑿齒之徒相與摩牙而爭之。豪俊麋沸雲擾，羣黎爲之不康。于是上帝眷顧高祖，高祖奉命順斗極，運天關，橫鉅海，漂昆侖，提劍而叱之。所過靡城，擄邑下將降旗。一日之戰，不可殫記。當此之勦，頭蓬不暇梳，飢不及餐，輶銍生蟣蝨，介冑被霜汗。弓爲萬姓請命，虐皇天，迺展民之所訕，振民之所乏。規億載恢帝業，七年之間而天下密如也。逮至聖文隨風乘流，方垂意于

至靈躬服節儉、絺衣不弊、草屨不穿、大廈不居、木器無文、于是後
宮賤瑋珎而疏珠璣、却翡翠之飾、除彫琢之巧、惡靡靡而不近、斥
芳芬而不御、抑止絲竹晏衍之樂、憎聞鄼衛幼眇之聲、是已玉衡
正而太階平也、其後重鑿作虐、東夷橫噬、羌戎唯昔、閩越相亂、遐
眠爲之不安、中國蒙被其難、于是聖武勃怒、爰整其旅、迺命嫫衛
汾沄沸渭、雲合電發、焱騰波流、機駭靈軼、疾如奔星、擊如震霆、碎
輶輶、破穹廬、腦沙幕、髓余吾、遂躡乎王庭、毆蒙駝、燒爛蠡、分勢單
于、磔裂屬國、夷阮谷、拔鹵莽、刊山石、蹂屍輿、所係累老弱、充鋌癡
耆、金鏃孟康語耆字絕句蘇林讀蘇字鏃字絕句案鏃字陽韻俗蘇讀爲長淫夷者數十萬人、皆稽
顙樹領、扶服蛾伏、二十餘年矣、尚不敢惕息、夫天兵四臨、幽都先
加、迴戈邪指、南越相夷、靡節西征、羌燹東馳、是已遐方疏俗、殊鄰
絕黨、之域自上仁所不化、茂德所不綏、莫不躋足抗首、請獻厥珍、
使海內澹然、永亡邊城之災、金革之患、今朝廷純仁、遵道顯義、梓

包書林聖風雲靡英華沈淫洋溢八區普天所覆莫不沾濡士有不談王道者則樵夫笑之意者已爲事罔隆而不殺物靡盛而不虧故平不肆險安不忘危迺時已育年出兵整輿竦戎振師五柞習馬長楊簡力狡獸校武票禽迺萃然登南山瞰烏弋西顧月窟東震日域又恐後代迷于一時之事常已此爲國家之大務淫荒田獵陵夷而不禦也是已車不安輒日未靡旌從者彷彿散屬而還亦所已奉太尊之烈遵文武之度復三王之田反五帝之虞使農不輟耰工不下機婚姻已時男女莫違出凱弟行簡易矜劬勞休力役見百年存孤弱帥與之同苦樂然後陳鐘鼓之樂鳴輶磬之和建碣磬之虞結隔鳴球掉八列之舞酌允鑠肴樂胥聽廟中之雍雍受神人之福貼歌投頌吹合雅其勤若此故眞神之所勞也方將俟元符已禪梁甫之基增泰山之高延光于將來比榮乎往號豈徒欲淫覽浮觀馳騁杭稻之地周流黎粟之林蹂踐芻蕘

誇謝眾庶盛欽獲之收多麋鹿之獲哉且盲者不見咫尺而離數
燭千里之隅客徒愛胡人之獲我禽獸曾不知我亦已獲其王侯
言未卒墨客降席再拜稽首曰大哉體采允非小人之所能及也
迺今日發矇廓然已昭矣

漢書楊雄傳文選

靈賦

自今推古至于元氣始化古不覽今名號迭毀請曰詩春秋言之
御覽

太易之始太初之先馮馮沈沈奮搏無端

御覽

河出龍馬雒貢龜書

文選陸倕石闕銘注

世有黃公者起于蒼州精神養性與道浮游

文選謝朓之宣城出新林浦詩注

二子規游矩步

文選陸機君子有所思行注

文王之始起浸仁漸義會賢儼智

文選江淹詣建平王書注

枝附葉從表立景隨

文選陳琳檄吳將校部曲注又蔡邕郭有道碑文注

太玄賦

觀大易之損益兮、覽老氏之倚伏、省憂喜之共門兮、察吉凶之同域、噉噉著乎日月兮、何俗聖之暗燭、豈惛寵已冒災兮、將噬臍之不及、若飄風不終朝兮、驟雨不終日、雷隱隱而輒息兮、火猶熾而速滅、自夫物有盛衰兮、況人事之所極、奚貪婪于富貴兮、迄喪躬而危族、豐盈禍所棲兮、名譽怨所集、藹已芳而致燒兮、膏含肥而見熾、翠羽燬而殃身兮、蚌含珠而壁裂、聖作典已濟時兮、驅蒸民而入甲、張仁義已爲綱兮、懷忠貞已矯俗、指尊選已誘世兮、疾身歿而名滅、豈若師由聃兮、執玄靜于中谷、紉僞祿于江淮兮、揖松喬于華岳、升崑崙已散髮兮、踞弱水而濯足、文選陸機日出東南隅行注朝發軔于流沙兮、夕翱翔于碣石、忽萬里而一頓兮、過列仙已託宿、役青要已承戈兮、舞馮夷已作樂、聽素女之清聲兮、觀竈妃之妙曲、茹芝英已禦飢兮、佩文韻府改作飢飲玉醴已解渴、排闥闔已窺

天庭兮騎辟驪已踟躕載羨門與麗游兮永覽周乎八極亂曰甘
餌含蔬難數營兮麟而可羈近犬羊兮鷺鳳高翔展青雲兮不掛
網羈固足珍兮斯錯位極離大戮兮屈子慕清萍魚腹兮伯姬曜
名焚厥身兮孤竹二子餓首山兮斷跡屬婁何足稱兮辟斯數子
智若淵兮我異于此執太玄兮蕩然肆志不拘攣兮古文苑

逐貧賦

揚子遁居離俗獨處左鄰崇山右接曠野鄰垣乞兒終貧且窶禮
薄義弊相與羣聚惆悵失志呼貧與語汝在六極投棄荒遐好爲
庸卒刊戮相加匪惟幼稚嬉戲土砂居非近鄰接屋連家恩輕毛
羽義薄輕羅進不由德退不受呵久爲滯客其意謂何人皆文繡
余褐不完人皆稻粱我獨藜飧貧無寶玩何已接歡宗室之燕爲
樂不槃徒行賃筴出處易衣身服百役手足胼胝或耘或耔霜體
露肌朋友道絕進官凌遲厥咎安在職汝爲之舍汝遠竄崑崙之

顛爾復我隨翰飛戾天舍爾登山巖穴隱藏爾復我隨陟彼高岡
捨爾入海汎彼柏舟爾復我隨載沈載浮我行爾動我靜爾休豈
無他人從我何求今汝去矣勿復久留貧曰唯唯主人見逐多言
益嗤心有所懷願得盡辭昔我乃祖宣其明德克佐帝堯誓爲典
則土階茅茨匪彫匪飾爰及季世縱其昏惑饕餮之羣貪富苟得
鄙我先人乃傲乃驕瑤臺瓊榭室屋崇高流酒爲池積肉爲嶠是
用鵠逝不踐其朝三省吾身謂予無譽處君之家福祿如山忘我
大德思我小怨堪寒能暑少而習焉寒暑不忒等壽神仙桀跖不
顧貪類不干人皆重蔽予獨露居人皆怵惕予獨無虞言辭既罄
色厲目張攝齊而興降階下堂誓將去汝適彼首陽孤竹二子與
我連行余乃避席辭謝不直請不貳過聞義則服長與汝居終無
厭極貧逐不去與我遊息

藝文類聚三十五初學記十

酒賦

并序案漢書題作酒賦都酒者酒器名也駢文當曰都酒爲長

漢孝成皇帝好酒雄作酒賦已諷之御覽八十九引酒賦序

子猶瓶矣御覽引漢書作酒密壞法譬之于物子猶瓶今觀瓶之居居酒之眉處高臨深

動常近危酒醪不入口臧水滿懷不得左右牽于繯微一旦車礙

為賞所輻身提黃泉骨肉為泥自用如此不如鴟夷鴟夷滑稽腹

如大壺盡日盛酒人復借酖常為國器託于屬車出入兩宮經營

公家繇是言之酒何過乎漢書游俠陳遵傳北堂書鈔一百四十八

又七百六十一

反離騷文選陸機弔魏武帝文注引此題作釋惑

雄怪屈原文過相如而主不容作離騷自投江而死悲其文讀

之未嘗不流涕也曰為君子得時則大行不得時則龍蛇遇不

遇命也何必湛身哉迺作書往往撫離騷文而反之自嶠山投

諸江流曰弔屈原名曰反離騷漢書揚雄傳初學記六

有周氏之蟬嫣兮或鼻祖于汾隄靈宗初諫伯僑兮流于末之楊

疾淑周楚之豐烈兮，超旣離虜皇波。因江潭而往記兮，欽弔楚之
湘纍。惟天軌之不辟兮，何純絜而離紛。紛纍曰其洪忍兮，暗纍曰
其繽紛。漢十世之陽朔兮，招搖紀于周正。正皇天之清則兮，度后
土之方貞。圖纍承彼洪族兮，又覽纍之昌。饒帶鉤矩而佩衡兮，履
櫜槍曰爲基。素初貶厥麗服兮，何文肆而質難。資姬娃之珍髢兮，
籌九戎而索賴。鳳凰翔于蓬階兮，豈駕鵝之能捷。騁驊騮曰曲蘗
兮，驢騾連蹇而齊足。枳棘之榛榛兮，蝮蛇擬而不敢下。靈脩旣信
椒蘭之倖佞兮，吾纍忽焉而不吝睹。衿芰茄之綠衣兮，被夫容之
朱裳。芳酷烈而莫聞兮，固不如嬖而幽之離房。閨中容競淖約兮，
相態曰麗佳。知眾嬖之嫉妬兮，何必颺纍之蜚眉。懿神龍之淵潛
兮，竢慶雲而將舉。亡春風之被離兮，孰焉知龍之所處。悠吾纍之
眾芬兮，殿燿燿之芳荅。遭季夏之凝霜兮，慶天頽而喪榮。橫江湘
曰南淮兮，云走乎彼蒼。吾馳江潭之汎溢兮，將折衷乎重華。舒中

情之煩或兮恐重華之不纍與陵陽侯之素波兮豈吾纍之獨見
許精瓊靡與秋菊兮將已延夫天年臨汨羅而自隕兮恐日薄于
西山解扶桑之總轡兮縱令之遂奔馳鸞皇騰而不屬兮豈獨飛
廉與雲師卷薜芷與若蕙兮臨湘淵而投之楫申椒與菌桂兮赴
江湖而漚之費椒稱已要神兮又勤索彼瓊茅違靈氛而不從兮
反湛身于江皋纍旣泝夫傳說兮奚不信而遂行徒恐鸛鵲之將
鳴兮顧先百草爲不芳初纍棄彼處妃兮更思瑤臺之逸女惝雄
鴆已作媒兮何百離而曾不壹耦乘雲蜺之旖旎兮望昆侖已縹
流覽四荒而顧懷兮奚必云女彼高丘旣亡鸞車之幽藹兮焉駕
八龍之委蛇臨江瀕而掩涕兮何有九招與九歌夫聖哲之不遭
兮固時命之所有雖增欷已於邑兮吾恐靈修之不纍改昔仲尼
之去魯兮斐斐遲遲而周邁終回復于舊都兮何必湘淵與濤瀾
溷漁父之鋪歎兮絜沐浴之振衣棄由賄之所珍兮蹠彭咸之所

遺

漢書揚雄傳載文類聚五十六

廣騷

旁離騷作重一篇名曰廣騷

漢書揚雄傳

畔牢愁

旁惜誦已下至懷沙一卷名曰畔牢愁

漢書揚雄傳

謹案漢志揚雄賦十二篇今蒐輯羣書得完篇九殘篇一廣騷畔牢愁惟存篇名

上書諫勿許單于朝

單于上書願朝哀帝曰問公卿公卿曰虛費府帑可且勿許單

于使辭去未發雄上書諫

御覽八百十一引揚雄集

臣聞六經之治貴于未亂兵家之勝貴于未戰二者皆微然而大事之本不可不察也今單于上書求朝國家不許而辭之臣愚目為漢與匈奴從此隙矣夫北地之狄五帝所不能臣三王所不能制其不可使隙甚明臣不敢遠稱請引秦曰來明之曰秦始皇之

強蒙恬之威帶甲四十餘萬然不敢窺西河迺築長城已界之會
漢初興已高祖之威靈三十萬眾困于平城士或七日不食時奇
謫之士石畫之臣甚眾卒其所已脫者世其得而言也又高皇后
嘗忿匈奴羣臣廷議樊噲請已十萬眾橫行匈奴中季布曰噲可
斬也妄阿順旨于是大臣權書遺之然後匈奴之結解中國之憂
平及孝文時匈奴侵暴北邊候騎至雍甘泉京師大駭發三將軍
屯細柳棘門霸上已備之數月乃罷孝武卽位設馬邑之權欲誘
匈奴使韓安國將三十萬眾徼于便墜匈奴覺之而去徒費財勞
師一虜不可得見況單于之面乎其後深惟社稷之計規恢萬載
之策迺大興師數十萬使衛青霍去病操兵前後十餘年于是浮
西河絕大幕破竇顏襲王庭窮極其地追奔逐北封狼居胥山禪
于姑衍已臨瀚海虜名王貴人已百數自是之後匈奴震怖益求
和親然而未肯稱臣也且夫前世豈樂傾無量之費役無罪之人

快心于狼望之北哉。曰爲不壹勞者不久佚、不暫廢者不永寧。是
已忍百萬之師、已摧餓虎之喙、運府庫之財、填廬山之壑、而不悔
也。至本始之初、匈奴有桀心、欲掠烏孫、侵公主、迺發五將之師、十
五萬騎、獵其南、而長羅侯、烏孫五萬騎震其西、皆至質而還。時
鮮有所獲、徒奮揚威武、明漢兵若雷風耳。雖空行空反、尚誅兩將
軍、故北狄不服、中國未得高枕安寢也。逮至元康、神爵之間、大化
神明、鴻恩溥洽、而匈奴內亂、五單于爭立、日逐呼韓邪攜國歸死、
扶伏稱臣。然尚羈縻之、計不顯制。自此之後、欲朝者不距、不欲者
不彊。何者、外國天性忿鷙、形容魁健、負力怙氣、難化。已善、易隸、已
惡、其彊難誡。其和難得。故未服之時、勞師遠攻、傾國殫貨、伏尸流
血、破堅拔敵、如彼之難也。既服之後、慰薦撫循、交接賂遺、威儀俯
仰、如此之備也。往時嘗屠大宛之城、踏烏桓之壘、探姑繒之壁、籍
蕩姐之場、艾朝鮮之旃、拔兩越之旗。近不過旬月之役、遠不離二

時之勞固已殫其庭掃其閭郡縣而置之雲徹席卷後無餘蓄惟北狄爲不然眞中國之堅敵也三垂比之懸矣前世重之茲甚未易可輕也今單于歸義懷款誠之心欲離其庭陳見于前此迺上世之遺策神靈之所想望國家雖費不得已者也柰何距已來厭之辭疏已無日之期消往昔之恩開將來之隙夫款而隙之使有恨心負前言緣往辭歸怨于漢因已自絕終無北面之心威之不可諭之不能焉得不爲大憂乎夫明者視于無形聰者聽于無聲誠先于未然卽蒙恬樊噲不復施棘門細柳不復備馬邑之策安所設衛霍之功何得用五將之威安所震不然壹有隙之後雖智者勞心于內辯者戰擊于外猶不若未然之時也且往者圖西域制車師置城都護三十六國費歲已大萬計者豈爲康居烏孫能踰白龍堆而寇西邊哉迺已制匈奴也夫百年勞之一日失之費十而愛二臣竊爲國不安也惟陛下少畱意于未亂未戰已逼邊

萌之禍漢書何奴傳

書奏天子召還匈奴使者復報單于書而許之賜雄黃金十斤御覽

八百十一引揚雄集

對詔問災異

鼓妖聽失之象也朱博為人彊毅多權謀宜將不宜相恐有凶惡

亟疾之怒漢書五行志中之下哀帝建平二年四月御史大夫朱博為丞相少府趙玄為御史大夫臨延登受策有大聲

如鐘鳴上曰問黃門侍郎揚雄亦曰為

答劉歆書

雄叩頭賜命謹至又告曰田儀事事窮竟白案顯出甚厚甚厚田

儀與雄同鄉里幼稚為鄰長艾相更視觀動精采侶不為非者故

舉至曰雄之任也不意淫迹暴于官朝令舉者懷赧而低眉任者

含聲而宛舌知人之德堯猶病諸雄何慚焉叩頭叩頭又敕曰殊

言十五卷君何由知之謹歸誠底裏不敢違信雄少不師章句亦

于五經之訓所不解嘗聞先代輜軒之使奏籍之書皆藏于周秦之室及其破也遺棄無見之者獨蜀人有嚴君平臨邛林閭翁孺者深好訓詁猶見輜軒之使所奏言翁孺與雄外家牽連之親又君平過誤有已私遇少而與雄也君平財有千言耳翁孺梗概之法略有翁孺往數歲死婦蜀郡掌氏子無子而去而雄始能草文先作縣邸銘玉卮頌階闕銘及成都城四隅銘蜀人有楊莊者爲郎誦之于成帝成帝好之已爲佖相如雄遂曰此得外見文選甘泉賦注無外此數者皆都水君常見也故不復奏雄爲郎之歲自奏少不得學而心好沈博絕麗之文願不受三歲之奉且休脫直事之絲得肆心廣意旨自克就有詔可不奪奉令尚書賜筆墨錢六萬得觀書于石室如是後一歲作繡補靈節龍骨之銘詩三章成帝好之遂得盡意故天下上計孝廉及內郡衛卒會者雄常把三寸弱翰齋油素四尺已問其異語歸卽已鉛摘次之于槩二十七歲于

今矣而語言或交錯相反方覆論思詳悉集之燕其疑張伯松不好雄賦頌之文然亦有已奇之常爲雄道言其父及其先君憲典訓屬雄曰此篇目頗示其成者伯松曰是懸諸日月不刊之書也又言恐雄爲太玄經由鼠坻之與牛場也如其用則實五稼飽邦民否則爲牴糞棄之于道矣而雄般之伯松與雄獨何德慧而君與雄獨何諧陳而當置乎哉其不勞戎馬高車令人君坐幃幕之中知絕遐異俗之語典流于昆嗣言列于漢籍誠雄心所絕極至精之所想邁也扶聖朝遠照之明使君舉此如君之意誠雄散之之會死之日則今之榮也不敢有貳不敢有愛少而不已行立子鄉里長而不已功顯于縣官著訓于帝籍但言詞博覽翰墨爲事誠欲崇而就之不可已邇不可已怠卽君必欲脅之已威陵之已武欲令入之于此此又未定未可已見今君又終之則縊死已從命也而可且寬假延期必不敢有愛雄之所爲得使君輔貢于明

朝則雄無恨何敢有匿唯執事圖之長監于規繡之就死目為小
雄敢行之謹因還使雄叩頭叩頭方言古文苑藝文類聚八十五

與桓譚書

望風景附聲訓自結文選任昉王文憲集序注

答桓譚書

長卿賦不倡從人聞來其神化所至邪大諦能讀千賦則能為之

諺云伏習眾神巧者不過習者之門楊慎赤嶺清裁案西京雜記子雲曰長卿賦不倡人間

來其神化所至邪意林載桓譚新論云楊子雲工于賦王君大習

兵器余欲從二子學子雲曰能讀千賦則善賦君大曰能觀千劍

則曉劍諺曰伏習象神巧者不過習者之門北堂書鈔一百二引

桓子新論云余少好文見楊子雲賦歛從學子雲曰能讀千賦則

善之矣藝文類聚五十六引桓子新論云余素好文見子雲工為

賦欲從之學子雲曰能讀千賦則善為之矣用修綴拾成文唯加

大諦二字然諺云目下是桓譚語非子雲語也此與答

郭威書張溥百三家梅鼎祚文紀皆入錄今姑不刪

賜進士出身三品銜廣東等處提刑按察使司按察使兼管驛傳事務黃岡王毓藻校刊

全漢文卷五十二終

全漢文卷五十三

烏程嚴

揚雄二

難蓋天八事

其一云、日之東行循黃道、晝中規、牽牛距北極北百一十度、東井距北極南七十度、并百八十度、周三徑一二十八宿、周天當五百四十度、今三百六十度、何也、

其二曰、春秋分之日、正出在卯、入在西、而晝漏五十刻、卽天蓋轉、夜當倍晝、今夜亦五十刻、何也、

其三曰、日入而星見、日出而不見、卽斗下見日、六月不見日、六月北斗亦當見、六月不見、六月今夜常見、何也、

其四曰、呂蓋圖視天河、起斗而東、入狼弧間、曲如輪、今視天河直如繩、何也、

其五曰周天二十八宿，日蓋圖視天星，見者當少，不見者當多。今見與不見等，何出入無冬夏，而兩宿十四星當見，不日長短，故見有多少，何也。

其六曰天至高也，地至卑也。日託天而旋，可謂至高矣。縱人目可奪，水與景不可奪也。今從高山之上，設水平，日望日，則日出水平下，影上行，何也？若天體常高，地體常卑，日無出下之理。于是蓋天無日對也。

其七曰視物近則大，遠則小。今日與北斗近我而小，遠我而大，何也。

其八曰視蓋橈與車輻間近，杠轂即密益遠，益疎。今北極爲天杠

轂二十八宿爲天橈輻，日星度度天南方，次地星間當數倍。今交

密何也。

隋書天文志一
又開元占經二

解嘲

哀帝時丁傅董賢用事諸附離之者或起家至二千石時雄方草太玄有己自守泊如也或謂雄曰玄尚白而雄解之號曰解詡其辭曰

客謝揚子曰吾聞上世之士人綱人紀不生則已生則上尊人君下榮父母析人之圭僭人之爵懷人之符分人之祿紆青拖紫朱丹其轂今子幸得遭明盛之世處不諱之朝與羣賢同行歷金門上玉堂有日矣曾不能畫一奇出一策上說人主下談公卿目如耀星舌如電光壹從壹衡論者莫當顧而作太玄五千文支葉扶疎獨說十餘萬言深者入黃泉高者出蒼天大者含元氣纖者入無倫然而位不過侍郎擢纔給事黃門意者玄得毋尚白乎何爲官之拓落也揚子笑而應之曰客徒欲朱丹吾轂不知一跌將赤吾之族也往者周固解結羣鹿爭逸離爲十二合爲六七四分五剖竝爲戰國士亡常君國亡定臣得士者富失士者貧矯翼厲翮

恣意所存。故士或自盛。已藁或繫。坏已通。是故駟衍已頡亢而取世資。孟軻雖連蹇。猶爲萬乘師。今大漢左東海。右渠搜。前番禺。後陶塗。東南一尉。西北一候。徵已糾墨。制已質鉄。散已禮樂。風已詩書。曠已歲月。結已倚廬。天下之士。雷動雲合。魚鱗雜襲。咸營于八區。家家自己爲稷契。人人自己爲咎繇。戴縱垂纓而談者。皆擬于阿衡。五尺童子。羞比晏嬰。與夷吾當塗者。入青雲。失路者。委溝渠。旦握權則爲卿相。夕失勢則爲匹夫。譬若江湖之雀。勃解之鳥。乘鴈集。不爲之多。雙鳬飛。不爲之少。昔三仁去而殷虛。二老歸而周熾。子胥死而吳亡。種蠡存而粵伯。五殺入而秦喜。樂毅出而燕懼。范雎已折摺而危穰侯。蔡澤雖噤吟而笑唐舉。故當其有事也。非蕭曹子房。平勃樊霍。則不能安。當其亡事也。章句之徒。相與坐而守之。亦亡所患。故世亂則聖哲馳驚而不足。世治則庸夫高枕而有餘。夫上世之士。或解縛而相。或釋褐而傳。或倚夷門而笑。或橫

江潭而漁、或七十說而不遇、或立談閒而封侯、或枉于乘于陋巷、或擁帚筥而先驅、是已頗得信其舌而奮其筆、室隙蹈瑕而無所誦也、當今縣令不請士、郡守不迎師、羣卿不揖客、將相不悅言、奇者見疑、行殊者得辟、是已欲談者宛舌而固聲、欲行者擬足而投迹、鄉使上世之士處虛令、策非甲科、行非孝廉、舉非方正、獨可抗疏、時道是非、高得待詔、下觸聞罷、又安得青紫、且吾聞之也、炎炎者滅、隆隆者絕、觀雷觀火、爲盈爲實、天收其聲、地藏其熱、高明之家、鬼瞰其室、攫挈者亡、默默者存、位極者宗危、自守者身全、是故知玄知默、守道之極、爰清爰靜、游神之廷、惟寂惟寞、守德之宅、世異事變、人道不殊、彼我易時、未知何如、今子迺鵠臬而笑鳳皇、執螭螭而誦龜龍、不亦病乎、子徒笑我玄之尚白、吾亦笑子之病甚、不遭夷跼、悲夫、客曰、然則靡玄無所成名乎、范蔡曰、下何必玄哉、楊子曰、范雎魏之亡命也、折脅拉體、免于微索、翕肩跖

背扶服入橐、激叩萬乘之主、介涇陽、抵穰侯而代之、當也。蔡澤山東之匹夫也、領頤折頰、涕洟流沫、西揖彊秦之相、搯其咽、炕其氣、附其背而奪其位、時也。天下已定、金革已平、都于維陽、襲敬委輅、脫輓、掉三寸之舌、建不拔之策、舉中國徙之長安、適也。五帝垂典、三王傳禮、百世不易、叔孫通起于枹鼓之間、解甲投戈、遂作君臣之儀、得也。甫刑靡倣、秦法酷烈、聖漢權制、而蕭何造律、宜也。故有造蕭何律于唐虞之世、則諄矣。有作叔孫通儀于夏殷之時、則惑矣。有建婁敬之策于成周之世、則繆矣。有談范蔡之說于金張許史之間、則狂矣。蕭規曹隨、留侯畫策、陳平出奇、功若泰山、嚮若砥隤、唯其人之贍知哉。亦會其時之可爲也。故爲可爲于可爲之時、則從爲不可爲于不可爲之時、則凶。夫簡先生收功于章臺、四皓采榮于南山、公孫創業于金馬、票騎發迹于祁連、司馬長卿竊譽于卓氏、東方朔割名于細君、僕誠不能與此數公者竝、故默然獨

守古太玄

漢書本傳文選疏
文類聚二十五

解難

雄曰爲經莫大于易故作太玄客有難玄太淡眾人之不好也雄解之號曰解難其辭曰

客難揚子曰凡著書者爲眾人之所好也美味期乎合口工聲調

于比耳今吾子乃抗辭幽說閱意眇指獨馳騁于有亡之際而陶

冶大鑪旁薄羣生歷覽者茲年矣而殊不寢賣費精神于此而煩

學者于彼譬畫者畫于無形弦者放于無聲

文選曹子建七啟注
引作譬若畫者放于

無形絃者
放于無聲

殆不可乎揚子曰俞若夫閎言崇議幽微之塗蓋難與

覽者同也昔人有觀象于天視度于地察法于人者天麗且彌地

普而淡昔人之辭迺玉迺金彼豈好爲艱難哉勢不得已也獨不

見翠虬絳螭之將登虛天必聳身于蒼梧之淵不階浮雲翼疾風

虛舉而上升則不能檄膠葛騰九閭日月之經不千里則不能燭

全漢文卷五十三

七

四

六合燿八紘

又選劉楨贈徐幹詩注引自日月之經至此同

泰山之高不嵯嶢則不能淳

滂雲而散歊蒸是曰宓犧氏之作易也

北堂書鈔十七卷

易辭緒

經曰八卦文王附六爻孔子錯其象而彖其辭然後發天

地之臧定萬物之基典謨之篇雅頌之聲不溫純渙潤則不足曰

揚鴻烈而章緝熙蓋胥靡爲宰寂寞爲尸大味必淡大音必希大

語叫叫大道低回是曰聲之眇者不可同于眾人之耳形之美者

不可混于世俗之目辭之衍者不可齊于庸人之聽今夫弦者

張協七命注引弦作絃

高張急徽追趨逐者則坐者不期而附矣試爲之施

咸池掄六莖發蕭韶詠九成則莫有和也是故鍾期死伯牙絕絃

破琴而不肖與眾鼓殘人亡則匠石輟斤而不敢妄斲師曠之調

鍾竢知音者之在後也孔子作春秋幾君子之前睹也

陸績述玄引侯知音

之在後孔子作春秋黃君予之將略

老聃有遺言貴知我者希此非其操與

蜀王本紀

文紀

蜀之先稱王者有蠶叢柏濩魚鳧案文選蜀都賦劉注引下有蒲澤二字開明是時

人萌椎髻左衽不曉文字未有禮樂從開明已上至蠶叢積三萬

四千歲文選蜀都賦劉注魏都賦劉注王元長三月三日曲水詩序注御覽一百六十六案御覽引作凡四千歲

蜀王之先名蠶叢後代名曰柏濩後者名魚鳧案初學記八藝文類聚六御覽一百

六十六引作次曰伯雍又次曰魚鳧此三代各數百歲皆神化不死其民亦頗隨王

化去魚鳧田于湔山得仙今廟祀之于湔時蜀民稀少御覽一百六十六又

九百一十三後有一男子名曰杜宇案史記三代世表索隱引作朱提有男子杜宇從天墮止朱提有

一女子名利從江源井中出為杜宇妻乃自立為蜀王號曰望帝

案御覽一百六十六引治汶山下邑曰郫化民往往復出文選思

下有移居邦邑四字御覽一百六十六又八百八十八

望帝積百餘歲荆有一人名鼈靈案後漢書注文其尸亡去荆人

求之不得鼈靈尸隨江水上至郫遂活與望帝相見望帝曰鼈靈

爲相時玉山出水若堯之洪水望帝不能治使鼃靈決玉山民得安處鼃靈治水去後望帝與其妻通慚媿自己德薄不如鼃靈乃委國授之而去如堯之禪舜鼃靈卽位號曰開明帝帝生盧保亦號開明後漢書張衡傳注文選思玄賦注御覽八百八十八又九百二十三事類賦注六望帝去時子鳩鳴故蜀人悲子鳩鳴而思望帝望帝杜宇也後天墮御覽九百二十三

開明帝下至五代有開明尚始去帝號復稱王也後漢書張衡傳注

天爲蜀王生五丁力士能徙蜀山王无五丁輒立大石長三丈重

千鈞號曰石牛千人不能動萬人不能移藝文類聚七御覽八百八十八

蜀王據有巴蜀之地本治廣都樊鄉徙居成都秦惠王遣張儀司

馬錯定蜀因築成都而縣之成都在赤里街張若徙置少城內始

造府縣寺舍今與長安同制御覽八百八十八寶字記七十二

秦惠王時蜀王不降秦秦亦無道出于蜀蜀王從萬餘人東獵襄

谷卒見秦惠王秦王曰金一笥遺蜀王蜀王報曰禮物禮物盡化為土秦王大怒臣下皆再拜賀曰土者地也秦當得蜀矣御覽三十七又

四百七十八又八百八十一又八百七十二又八百八十八事類賦注九

秦惠王本紀曰秦惠王欲伐蜀乃刻五石牛案御覽八百八十八引作秦王恐無利見

處乃刻五石牛置金其後蜀人見之曰為牛能大便金牛下有養卒曰為

此天牛也能便金蜀王曰為然即發卒千人使五丁力士拖牛成

道致三枚于成都秦道得通石牛之力也後遣丞相張儀等隨石

牛道伐蜀焉北堂書鈔一百十六藝文類聚九十四白帖九十六御覽三百五又八百八十八

武都人有善知蜀王者將其妻女適蜀居蜀之後不習水土欲歸

蜀王心愛其女留之乃作伊鳴之聲六曲曰舞之北堂書鈔一百六御覽八百八十八

十八案北堂書鈔引作乃東平之歌呂樂也

武都丈夫化為女子案御覽八百八十八引武都上有或曰前三字顏色美好蓋山之精

也蜀王娶之為妻案藝文類聚作為夫人不習水土疾病欲歸蜀王留之無

幾物故蜀王發卒之武都擔土于成都郭中葬之蓋地三畝高七

丈號曰武擔案開元占經引作又怨之號曰武擔呂石作鏡一枚表其墓徑一丈高

五尺後漢書任文公傳注三國志蜀先主傳注北堂書鈔九十四又一百三十六初學記五藏文類聚六又七十開元占經一

百十三御覽五十二又七百十七又八百八十八事類賦注七

于是秦王知蜀王好色乃獻美女五人于蜀王蜀王愛之遣五丁

迎女還至梓潼見一大蛇入山穴中一丁引其尾不出五丁共引

蛇山乃崩歷五丁五丁踏地大呼秦王五女及迎送者皆上山化

為石蜀王登臺望之不來因名五婦侯臺蜀王親埋作冢皆致萬

石呂誌其墓初學記五藏文類聚七又九十六白帖五御覽五十又三百八十六又八百八十八又九百三十四事

類賦注二十八

秦惠王遣張儀司馬錯伐蜀王開明拒戰不利退走武陽獲之寶字

記七

張儀伐蜀蜀王開明戰不勝為儀所滅史記秦本紀索隱

秦王誅蜀侯恂後迎葬咸陽天雨三月不通因葬成都蜀人求雨

祠蜀侯必雨御覽十一

蜀王有鸚武舟初學記二十五御覽一百三十七

秦爲太白船萬艘欲攻楚本注曰太白船名初學記二十五

秦爲舳舻萬艘欲攻楚御覽七百六十九事類賦注十六

秦襄王時宕渠郡獻長人長二十五丈六尺法苑珠林八御覽三百七十七

禹本汶山郡廣柔縣人生于石紐其地名痢兒畔禹母吞珠孕禹

坼副而生于縣塗山娶妻生子名啟于今塗山有禹廟亦爲其母

立廟史記夏本紀正義初學記九御覽八十三又五百三十一

老子爲關令尹喜著道德經臨別曰子行道千日後于成都青羊

肆尋吾今爲青牛觀是也御覽一百九十一寶字記七十二

江水爲害蜀守李冰作石犀五枚二枚在府中一枚在市橋下二

枚在水中已厭水精因曰石犀里也北堂書鈔三十九藝文類聚九十五御覽八百九十

李冰曰秦時爲蜀守謂汶山爲天彭關號曰天彭門云亡者悉過

其中鬼神精靈數見

寰宇記七十三

蒲氏

縣前有兩石對如關號曰彭門

續漢郡國志補注

宣帝地節中始穿鹽井數十所

御覽八百六十五

趙充國頌

明靈惟宣戎有先零先零昌狂侵漢西疆漢命虎臣惟後將軍整

我六師是討是震既臨其域諭曰威德有守矜功謂之弗克請奮

其旅于罕之羌天子命我從之鮮陽營平守節嬰秦封章料敵制

勝威謀靡亢遂克西戎還師于京鬼方賓服罔有不庭昔周之宣

有方有虎詩人歌功乃列于雅在漢中興充國作武赳赳桓桓亦

紹厥後

漢書趙充國傳文選藝文類聚五十九

劇秦美新

諸吏中散大夫臣雄稽首再拜上封事皇帝陛下臣雄經術淺薄

行能無異、數蒙渥恩、拔擢倫比、與羣賢竝、媿無已稱職、臣伏惟陛下、已至聖之德、龍興登庸、欽明尚古、作民父母、爲天下主、執粹清之道、鏡照四海、聽聆風俗、博覽廣包、參天貳地、兼竝神明、配五帝冠三王、開闢已來、未之聞也、臣誠樂昭著新德、光之罔極、往時司馬相如作封禪一篇、已彰漢氏之休、臣常有顛胸病、恐一旦先犬馬填溝壑、所懷不章、長恨黃泉、敢竭肝膽、寫腹心、作劇素美新一篇、雖未究萬分之一、亦臣之極思也、臣雄稽首再拜、已聞曰、權輿天地未祛、雖雖肝旺、或玄而萌、或黃而牙、玄黃剖判、上下相嘔、爰初生民、帝王始存、在乎混混茫茫之時、疊聞罕漫而不昭察、世莫得而云也、厥有云者、上罔顯于義皇、中莫盛于唐虞、邇靡著于成周、仲尼不遭用、春秋因斯發言、神明所祚、兆民所託、罔不云道德仁義禮智、獨秦崛起西戎、邠荒岐雍之疆、因襄文宣靈之僭迹、立基孝公、茂惠文、奮昭莊、至政彼縱擅衡、并吞六國、遂稱乎始皇、盛

從鞅儀韋斯之邪政、馳騫起翦恬賁之用兵、剗滅古文、刮語燒書、弛禮崩樂、塗民耳目、遂欲流唐漂虞、滌殷蕩周、難除仲尼之篇籍、自勒功業、改制度、軌量、咸稽之于秦紀、是已者、儒碩老、抱其書而遠遜、禮官博士、卷其舌而不談、來儀之鳥、肉角之獸、狙獼而不臻、甘露嘉醴、景曜浸潭之瑞潛、大第經霄、巨狄鬼信之妖發、神歇靈繹、海水羣飛、二世而亡、何其劇與、帝王之道、兢兢乎不可離已、夫能貞而明之者、窮祥瑞、回而昧之者、極妖慝、上覽古在昔、有憑應而尚缺焉、壤微而能全、故若古者稱堯舜、威侮者陷桀紂、況盡汎掃前聖、數千載功業、專用已之私、而能享祐者哉、會漢祖龍騰豐沛、奮迅宛葉、自武關與項羽戮力、咸陽創業、蜀漢發迹、三秦尅項、山東而帝天下、撫秦政慘酷尤煩者、應時而錮、如儒林刑辟、厯紀圖典之用、稍增焉、秦餘制度、項氏爵號、雖逮古而猶襲之、是已、帝典闕而不補、王綱弛而未張、道極數殫、罔忽不還、逮至大新受命、

上帝還資后土願懷玄符靈契黃瑞涌出澤浮沕瀾川流海濤雲
動風偃霧集雨散誕彌八圻上陳天庭震聲日景炎光飛轡盈塞
天淵之閒必有不可辭讓云爾于是乃奉若天命窮寵極崇與天
剖神符地合靈契創億兆規萬世奇偉侔儔詭譎天祭地事其異
物殊怪存乎五威將帥班乎天下者四十有八章登假皇宮鋪衍
下土非新家其疇離之卓哉煌煌真天子之表也若夫白鳩丹鳥
素魚斷蛇方斯獲矣受命甚易格來甚勤昔帝纘皇王纘帝隨前
踵古或無爲而治或損益而亡豈知新室委心積意儲思垂務旁
作穆穆明旦不寐勤勤懇懇者非秦之爲與夫不勤勤則前人不
當不懇懇則覺德不愷是已發秘府覽書林遙集乎文雅之園翱
翔乎禮樂之場肩殷周之失業紹唐虞之絕風懿律嘉量金科玉
條神卦靈兆古文畢發煥炳照耀靡不宣臻式輪軒旂旗已示之
揚和鸞肆夏已節之施黼黻袞冕已昭之正嫁娶送終已尊之親

九族淑賢、曰穆之、夫改定神祇、上儀也、欽脩百祀、咸秩也、明堂雍
臺、壯觀也、九廟長壽、極孝也、制成六經、洪業也、北懷單于、廣德也、
若復五爵、度三壤、經井田、免人役、匡馬法、恢崇祇庸、燦德懿和之
風、廣彼摯紳、講習言諫、箴誦之塗、振驚之聲、充庭鳴鸞之黨、漸階
俾前聖之緒、布濩流衍而不韞、鬱郁乎煥哉、天人之事盛矣、鬼
神之望允塞、羣公先正、莫不夷儀、茲究寇賊、罔不振威、紹少典之
苗、著黃虞之裔、帝典闕者已補、王綱弛者已張、炳炳麟麟、豈不懿
哉、厥被風濡化者、京師沈潛、甸內市治、疾衛厲揭、要荒濯沐、而術
前典、巡四民、迄四獄、增封泰山、禪梁父、斯受命者之典業也、蓋受
命日不暇給、或不受命、然猶有事矣、況堂堂有新正、丁厥時、崇獄
淳海、通滄之神、咸設壇場、望受命之臻焉、海外遐方、信延頸企踵、
回面內嚮、喁喁如也、帝者雖勤、惡可已乎、宜命賢哲、作帝典一
篇、奮三爲一、冀曰示來人、摛之罔極、令萬世常戴巍巍、履崇崇、臭

馨香含甘實鏡純粹之至精聆清和之正聲則百工伊凝庶績咸喜荷天衢提地釐斯天下之上則已庶可試哉文選藝文類聚十

連珠

臣聞明君取士貴拔眾之所遺忠臣薦善不廢格而疑當作之所排是

已巖穴無隱而側陋章顯也藝文類聚五十七

臣聞天下有三樂有三憂焉陰陽和調四時不忒年豐物遂一作年穀

豐無有夭折災害不生兵戎不作天下之樂也聖明在上祿不遺

賢罰不偏罪君子小人各處其位一作眾臣眾人之樂也吏不苟暴役

賦不重財力不傷安土一作女工樂業民之樂也亂則反焉故有三憂

御覽四百六十八又四百六十九

兼聽獨斷聖王之法也文選千寶晉紀總論注

古之人主所昌統天者不遠焉文選陸機五等論注

賜進士出身二品銜廣東巡撫提刑按察使司按察使兼管驛傳事務黃岡王毓藻校刊

全漢文卷五十四

烏程嚴可均校輯

揚雄四

冀州箴

洋洋冀州鴻原大陸嶽陽是都島夷被服潏潏河流表初學記已

碣石三后攸降列爲侯伯隆周之末初學記作趙魏是宅冀土靡

沸炫文選思玄賦注如湯更盛更衰載從載橫初學記陪臣擅

命天王是替趙魏相反秦拾其弊北築長城恢夏之場漢興定制

改列藩王仰覽前世厥力孔多初安如山後崩如崖故治不忘亂

安不忘初學記危周宗自怙云焉有予竊六國奮矯果絕其維牧

臣司冀敢告在階藝六類聚六初學記八古文苑

青州箴

茫茫青州海岱是極鹽鐵之地鉛松怪石羣水攸歸萊夷作牧貢

篚曰時莫怠莫違昔在文武封呂于齊厥土塗泥在丘之營五侯
九伯是討是征馬殆其銜御失其度周室荒亂小白曰霸諸侯僉
服復尊京師小白既沒周卒陵遲嗟茲天王附命下土失其法度
喪其文武牧臣司青敢告執矩

藝文類聚六初
學記八古文苑

兗州箴

悠悠濟河兗州之寓九河既導雷夏攸處草繇木條漆絲絺紵濟
漯既通降丘宅土成湯五徙卒都于亳盤庚北度牧野是宅丁感
雉雉祖己伊忠爰正厥事遂緒高宗厥後陵遲顛覆湯緒西伯戡
黎祖伊奔走致天威命不忍不震婦言是用牝雛司晨三仁既知
武果戎殷牧野之禽豈復能耽甲子之朝豈復能笑有國雖久必
畏天咎有民雖長必懼人殃箕子獻欬厥居爲墟牧臣司兗敢告

執書

藝文類聚七初
學記八古文苑

徐州箴

海岱伊淮東海是渚徐州之土邑于蕃宇大野既濶有羽有蒙孤
桐蠙珠泗沂攸同實列蕃蔽侯衛東方民好農蠶大野曰康帝癸
及辛不祇不恪沈恤于酒而忘其東作天命湯武勦絕其緒祚降
周任姜鎮于琅邪姜氏絕苗田氏攸都事由細微不慮不圖禍如
丘山本在萌芽牧臣司徐敢告僕夫

藝文類聚六初
學記八古文苑

揚州箴

天矯

古文苑
作矯矯

揚州江漢之滌彭蠡既濶

初學記
作都

陽鳥攸處橘柚羽

貝瑤琨篠簜閭越北垠沅湘攸往獷矣淮夷蠢蠢荆蠻翩彼昭王

南征不旋人咸躋于垤莫躋于山咸跌于汙莫跌于川明哲不云

我昭童蒙不云我昏湯武聖而師伊呂桀紂悖而誅逢干蓋邇不

可不察遠不可不親靡有孝而逆父罔有義而忘君太伯遜位某

吳紹類夫差一誤太伯無祚周室不匡句踐入霸當周之隆越裳

重譯春秋之末侯甸叛逆元首不可不思股肱不可不羣

初學記
作慈

堯崇屢省舜盛欽謀牧臣司揚敢告執籌

欽文類聚六初學記八
御覽九百七十七古文苑

荊州箴

杳杳巫山在荆之陽江漢朝宗其流湯湯夏君遭鵩荆衡是調雲
夢塗泥包匭菁茅金玉砥礪象齒元龜貢篚百物世世已饒戰戰
慄慄至桀荒溢曰我在帝位若天有日不順庶國孰敢余奪亦有
成湯果秉其鉞放之南巢號之曰桀南巢茫茫多楚與荆風飄已
悍氣銳已剛有道後服無道先強世雖安平無敢曰豫牧臣司荆
敢告執御

欽文類聚六初
學記八古文苑

豫州箴

郁郁荆河伊洛是經榮播

初學記
作波

臯漆惟用攸成田田相挈廬廡

相距夏殷不都成周攸處豫野所居爰在鵲墟四隩咸宅寓內莫
如陪臣執命不慮不圖王室陵遲喪其爪牙靡哲靡聖捐失其正
方伯不維韓卒擅命文武孔純至厲作昏成康孔寧至幽作傾故

有天下者毋曰我大莫或余敗毋曰我強靡克余亡夏宅九州至
于季世放于南巢成康太平降及周微帶蔽屏營屏營不起施于
孫子王赧爲極實絕周祀牧臣司豫敢告柱史古文苑

益州箴

巖巖岷山古曰梁州華陽西極黑水南流茫茫洪波絲湮降陸于
時八都厥民不隩禹導江沱岷嶓啟乾遠近底貢磬錯督丹絲麻
條暘有粳有稻自京徂畛民攸溫飽帝有桀紂涵沈頗僻遏絕苗
民滅夏殷續爰周受命復古之常幽厲夷業破絕爲荒秦作無道
三方潰叛義兵征暴遂國于漢拓開疆宇恢梁之野列爲十二光
羨初學記虞夏牧臣司梁是職是圖經營盛衰敢告士夫藝文類聚

學記八
古文苑

雍州箴

黑水西河橫截初學記崑崙邪指閭闔畫爲雍垠上侵積石下礙

龍門自彼氏羌莫敢不來庭莫敢不來臣每在季主常失厥緒侯紀不貢荒侵其寓陵遲衰微秦據呂戾興兵山東六國顛沛上帝不寧命漢作京隴山已徂列爲西荒南排勁越北啟彊胡并連屬國一護攸都蓋安不忘危盛不諱衰牧臣司雍敢告贅衣

藝文類聚六初

學記八古文苑一案初學記八又割分此爲涼州綴

幽州箴

蕩蕩平川惟冀之別北呬幽都戎夏交偃伊昔唐虞實爲平陸周未荇臻迫于獯鬻晉溺其陪周使不阻六國擅權燕趙本都東隕穢伯義初學記作爰及東胡強秦北排蒙公城墮大漢初定分狄之荒元戎屢征如風之騰義兵涉漠偃我邊萌既定且康復古虞唐盛不可不圖衰不可或忘隄潰蟻穴器漏箴芒牧臣司幽敢告侍

藝文類聚六初學記八古文苑

梓州箴

雍別朔方河水悠悠北辟獯鬻南界涇流畫茲朔土正直幽友自
昔何爲莫敢不來貢莫敢不來王周穆遐征犬戎不享爰貊初學
統伊德侵玩上國宣王命將攘之涇北宗幽罔識初學記作崇幽
罔識宗周日用爽蹉既不俎豆又不干戈犬戎作難斃于驪阿太上曜
德其次曜兵德兵俱顛靡不悴荒牧臣司并敢告執紼初學記

八古
文苑

交州箴

交州荒裔水與天際越裳是南荒國之外爰自開闢不羈不絆周
公攝祚白雉是獻昭王陵遲周室是亂越裳絕貢荆楚逆叛四國
內侵蠶食周京臻于季報遂已滅亡大漢受命中國兼該南海之
宇聖武是恢稍稍受羈遂臻黃支杭海三萬來壺其犀盛不可不
憂隆不可不懼顧瞻陵遲而忘其規慕亡國多逸豫而存國多難
泉竭中虛池竭瀨古文苑乾牧臣司交敢告執憲初學記八古文苑

司空箴

啓彼坤靈，侔天作則。分制五服，畫爲萬國。乃立地官，空惟是職。茫

茫九州，都鄙盈區。綱已羣牧，綴已方侯。烈烈雋乂，翼翼王臣。臣當

其官，官當

初學記作宜

其人。九十之政，七賦已均。昔在季葉，班祿遺賢。

培克充朝，而象恭滔天。匪人斯力，

初學記作匪力斯人

匪政斯敷。流貨市寵，

而苞苴是鬻。王路斯荒，孰不傾覆。空臣司土，敢告在側。

藝文類聚作四十七作

揚雄初學記十一作崔駰古文苑作揚雄注云一作崔駰

案文選西都賦注引首二句作暢雄

尚書箴

皇皇聖哲，允敕百工。命作齋慄，龍惟納言。是機是密，出入王命。王

之喉舌，獻善宣美。而讒說是折，我視云明。我聽云聰，載夙載夜。惟

允惟恭，故君子在室，出言如風。動于民人，渙其大號。而萬國平信。

春秋譏漏言，易稱不密則失臣。兌吉其和，巽吝其頻。書稱其明，申

申厥鄰。昔秦尚權詐，官非其人。符璽竊發，而扶蘇隕身。一姦愆命，

七廟為墟、咸福同門、牀上維寧、書臣司命、敢告侍隅、古文類聚四十八作揚雄

古文苑作崔瑗注云一作揚雄

大司農箴

時維大農、爰司金穀、自京徂荒、粒民是斛、肇自厥功、實施惟食、厥

僚后稷、有無遷易、實均實贏、惟都作程、旁施衣食、厥民攸生、上稽

二帝、下閱三王、什一而征、為民作常、遠近貢篚、百則古文類聚不忘

帝王之盛、實在農植、季周爛熳、而東作不救、膏腴不穫、庶物竝荒

府庫殫古文類聚虛、靡積倉箱、陵遲衰微、周卒已亡、秦收大半、二

世不瘳、泣血之求、海內無聊、農臣司均、敢告執絲、古文類聚四十九初學記十二

古文苑

侍中箴

光光常伯、儵儵韶瑤、文選曹植責躬詩注劉琨贈盧諶詩注

光祿勳箴

經兆宮室畫為中外廊殿門閭限目禁衛

古文苑作界

國有固

古文苑作周

衛人有藩籬各有攸保守已不岐昔在夏殷桀紂淫湎符牛之飲

門戶荒亂郎雖執戟謁者參差殿中成市或室內鼓鼙

古文苑作或鼓或鼙

忘其廊廟而聚夫逋逃四方多罪載號載呶內不可不省外不可

不清德人立朝義士充庭祿臣司光敢告執經

初學記十
二古文苑

大鴻臚箴

蕩蕩唐虞經通垓極陶陶百王天工人力畫為上下羅條

古文苑作聚作該

羅百職人有材能寮有級差遷能授官各有攸宜主已不廢官已

不墮昔在三代二季不蠲穢德慢道署非其人人失其材職反其

官案寮荒老國政如漫文不可武武不可文大小上下不可奪倫

鴻臣司爵敢告在鄰

藝文類聚四十九初
學記十二古文苑

宗正卿箴

巍巍帝堯欽親九族經哲宗伯禮有攸訓屬有攸籍各有育子代

已不錯昔在夏時少康不恭有仍二女五子家降晉獻悖統宋宣
亂序齊桓不脩而忘其宗緒周譏戎女魯喜子同高作秦崇而扶
蘇被囚宗廟荒城魂靈靡附伯臣司宗敢告執主

初學記十
二古文苑

衛尉箴

茫茫上天崇高其居設置山險

文選西都賦注作盡

爲防禦重垣累垓

難不律闕爲城衛曰待暴卒國曰有固民曰有內各保其守永修

不敗維昔庶僚官得其人荷戈而歌中外已堅齊桓怵惕宿衛不

敕門非其人戶廢其職曹子標劍遂成其詐軻挾匕首而衛人不

寢二世安宿敗于望夷閭樂矯詔

古文苑作矯樓

戟者不推尉臣司衛敢

告執維

藝文類聚四十
九初學記十二

太僕箴

肅肅太僕車馬是供鏘鏘和鑾駕彼時龍昔在二帝巡狩四宅王

用三驅前禽是射

藝文類聚作失

紂作不令武王征殷檀車孔夏四駟孔

斯僕夫執轡載駢載駟我輿云安我馬云閑雖馳雖驅匪逸匪愆
昔有淫絜馳騁忘歸景公千駟而淫于齊詩好牡馬牧于坰野輦
車就牧而詩人興魯廢焚問人仲尼厚醜孟子蓋惡夫廢多肥馬
而野有餓殍僕臣司駕敢告執臬

藝文類聚四十九初學記十二古文苑

廷尉箴

天降五刑維夏之績亂茲平民不回不僻昔在蚩尤爰作淫刑延
于苗民夏氏不盛穆王耄荒甫侯伊謨五刑訓天周呂阜基厥後
陵遲上帝不孤古文苑作觚周輕其制秦繁其辜五刑紛紛靡過靡止
寇賊滿山刑者半市昔在唐虞象刑天民是全紂作炮烙墜人于
淵故有國者無云何謂是則是剋無云何害是剋是割惟虐惟殺
人其莫泰殷呂刑顛秦呂酷敗獄臣司理敢告執調

藝文類聚四十九初學記

十二古
文苑

太常箴

翼翼太常、實爲宗伯、穆穆靈祇、庭廟奕奕、稱秩元祀、班于羣神、我
祀既祇、我素孔饗、匪愆匪忒、公尸攸宜、弗祈弗求、惟德之報、不矯
不誣、庶無罪悔、皆在成湯、曷爲不弔、棄禮慢祖、嬖子不祀、楚師是
虜、魯人躋僖、臧文不悟、文隳太室、桓納郛郛、災降二宮、用詰不祧、
故聖人在位、無曰我貴、慢行繁祭、無曰我材、輕身恃巫、東鄰之犧
牛、不如西鄰之麥、魚秦殞望夷、隱斃鍾巫、常臣司宗、敢告執書、
類聚四十九作揚雄初學記十二作
崔駰古文苑作崔駰注云一作揚雄

少府箴

實實少府、奉養是供、紀經九品、臣子攸同、海內幣帛、祁祁如雲、家
有孝子、官有忠臣、共僚率舊、聖則越遵、民已不擾、國已不煩、昔在
帝季、癸辛之世、酒池糟隄、而象箸已噉、至于耽樂流湏、而姐末作
崇、共寮不御、不恢夏殷、喪其國康、而卒已陵遲、嗜不可不察、欲不
可不圖、未嘗失之于約、常失于奢、府臣司共、敢告執觚、
古文苑

執金吾嚴

溫溫唐虞重襲

案二句純孰案此句有脫

經表九德張設武官已御寇

賊如虎有牙如鷹有爪國已自固獸已自保牙爪憊憊動作宜時

用之不理實反生災秦政暴戾播其威虐亡其仁義而思其殘酷

猛不可重任威不可獨行堯咨虞舜惟思是尚吾臣司金敢告執

璜古文苑

將作大匠嚴

侃侃將作經構宮室牆已禦風宇已蔽日寒暑攸除鳥鼠攸去王

有宮殿民有宅居昔在帝世茅茨土階夏卑宮觀在彼溝洫桀作

瑤臺紂爲璇室人力不堪而帝業不卒詩詠宣王由儉改奢觀豐

上六大屋小家春秋譏刺書彼泉臺兩觀雉門而魯已不恢或作

長府而閔子已仁

古文苑作不作

秦築驪阿嬴姓已顛故人君無云我貴

根題是遂母云我富淫作極遊在彼牆屋而忘其國戮作臣司匠

敢告執猷

執文類聚四十九古文苑

城門校尉箴

幽幽山川、徑塞九路、盤石唐芒、巖險重固、國有城溝、家有柝柅、各有攸堅、民已不虞、德懷其內、險難其外、王公設險、而承曰盤蓋、昔在上世、有殷有夏、癸辛不德、而設夫險阻、湯武爰征、而莫遏莫禦、作君之危、不可德少、而城溝伊保、不可德希、而城溝是依、唐虞長德、而四海永懷、秦恢長城、而天下畔乖、尉臣司城、敢告在階、古文苑

太史令箴

昔在太古、爰初肇記、天地之紀、重黎是司、降及唐虞、乃命羲和、欽若昊天、百政攸宜、夏帝不愼、義和不令、洎時亂日、帝旅爰征、庶寮至殷、唯天爲難、夏氏黷德、而明神不綱、御覽二百三十五

博士箴

洋洋三代、典禮是修、畫爲辟雍、國有學校、侯有泮宮、各有攸教、德

用不陵昔在文王經營

古文苑作殷

其軌勛于德音而思皇多士多士

作楨惟周已盛國人興讓虞芮質成公劉挹行潦而濁亂斯清官

操其業士執其經昔聖人之綏俗莫美于施化故孔觀夫人之學

而知爲王之易

古文苑作觀夫太學而知爲王之易

大舜南面無爲而衽席平還

師階級之間三苗已懷秦作無道斬決天紀漫彼王迹而坑夫術

士詩書是泯家言是守俎豆不陳而顛其社稷故仲尼不對問陳

而胡籃是遵原伯非學而閔子知周之不振儒臣司典敢告在賓

藝文類聚四十六作揚雄古文苑作崔瑗

國三老箴

負乘覆餗茲寇侏張

文選劉琨答盧湛詩注

太樂令箴

陶陶五帝設爲六樂笙磬既同鍾鼓羽籥周序神人協于萬國

北堂

書鈔本刪改本五十五案陳禹謨本無首二句

太官令箴

時惟膳夫實司王饗祁祁庶羞口實是供羣物百品八珍清觴已

御賓客已膳于王御覽二百二十九

上林苑令箴

茫茫大田文選東京賦注芄芄作穀山有徑陸御覽作野有林麓

夷原汙藪禽獸攸伏魚鼈已時芻蕘咸殖國已殷富民已家給昔

在帝羿共田經游弧矢是尚而射夫封豬不顧于愆卒遇後憂是

已田獲三驅不可過差麀鹿攸伏不如德至衡臣司虞敢告執指

古文苑御覽

謹案後漢胡廣傳初揚雄依虞箴作十二州二十五官箴其九

歲亡闕後漢郡崔駰及子援又臨邑侯劉駘贈補十六篇廣

復繼作四篇乃悉撰次首目名曰百官箴凡四十八篇如傳此

言則子雲僅存二十八箴今編索羣書除初學記之隅州箴御

覽之河南尹箴顯謨不錄外得州箴十二官箴二十一凡三十

是箴視東漢時多出五箴縱使司空尚書太常博士四箴可屬

崔駰崔瑗仍多出一箴與胡廣傳未合粹求其故而不得覆審

官令五篇多闕文其四篇亡故云九篇亡闕也百官箴收摭篇不收殘篇故子雲僅二十八篇舊書徵引據本集本集整篇殘篇兼載故有三十篇其司空尚書太常博士四篇載文類聚作揚雄必可據信也

元后誄

新室文母太后崩天下哀痛號哭涕泗思慕功德咸上柩誄之銘曰

惟我有新室文母聖明皇太后姓出黃帝西陵昌意實生高陽純

德虞帝孝聞四方登陟帝位禪受伊唐爰初胙土陳田至王營相

厥宇度河濟殲沙麓之靈太陰之精天生聖姿豫有祥禎作合于

漢配元生成孝順皇姑聖敬齊莊古文苑作內則純備古文苑後

烈丕光肇初配元天命是將兆徵顯見新都黃龍漢成既終肩嗣

匪生哀帝承祚惟離典經尚是言異大命俄顛厥年天墜大終不

盈文母覽之千載不傾博選大智新都宰衡明聖作佐與圖國艱

百度屢運微立中山庶其可濟博采淑女備其姪嬪一作禮高

謀祈廟嗣繼靡格匪天靡動匪地穆穆明明昭事上帝弘漢祖考
夙夜匪懈興滅繼絕博立侯王親睦庶族昭穆序明帝致支屬靡
有遺荒咸被祚慶黃呂金火赤仍有央勉進大聖上下兼該羣祥
眾瑞正我黃來火德將滅惟后于斯天之所壞人不致支哀平天
折百姓分離祖宗之愆終其不全天命有託謫在于前屬遭不造
榮一作策極而遷皇天眷命黃虞之孫歷世運移屬在聖新代于漢
劉受祚于天漢祖受命赤傳于黃攝帝受禪立爲眞皇允受一作執
厥中已安黎眾漢祖黜廢移定安公皇皇靈祖惟若孔臧降茲珪
璧命服有常爲新帝母鴻德不忘欽德伊何奉命是行菲薄服食
神祇是崇尊不虛統惟祇惟庸一作惟庸隆循一作惟庸隆循人敬先民是從
承天祇家允恭虔恪豐阜庶卉旅力不射恤民于畱不皇詭作別
計千邑國之是度還奉于此呂處貧薄罷苑置縣築里作宅呂處
貧窶哀此嫠獨起常盈倉五十萬斛爲諸生儲呂勤好學志在黎

元是勞是勤春巡瀾澹秋臻黃山夏撫樗杜冬卹涇樊大射饗飲

飛羽之門綬有耆幼不拘婦人刊女歸家已育貞信玄冥季冬搜

狩上蘭寅賓出日東秩陽谷鳴鳩拂羽勝降桑木古文苑作戴鸞勝降桑失韻鸞

于蘭館躬執篳曲帥導羣妾咸脩古文苑作循蠶族分繭理絲女工是

軌遐邇蒙祉中外禔福自京逮海靡不仰德成類存生秉天地經

無物不理無人不寧尊號文母與新有成世奉長壽靡墮有傾著

德太常注諸旒旌嗚呼哀哉已昭鴻名享國六十殂落而崩四海

傷懷擗踊拊心若喪考妣遐密八音嗚呼哀哉萬方不勝德被海

表彌流魂精去此昭昭就彼冥冥忽今不見超今西征既作下宮

不復故庭爰緘伊銘嗚呼哀哉藝文類聚十五古文苑

琴清英

昔者神農造琴已定神禁姪嬖去邪欲反其真者也舜彈五絃之

琴而天下治堯加二絃已合君臣之恩也通典一百四十四御覽五百七十七

尹吉甫子伯奇至孝後母譖之自投江中衣皆帶藻忽夢見水仙

賜其美藥思惟養親揚聲悲歌船人聞而學之吉甫聞船人之聲

疑伯奇援琴作子安之操水經注三十三江水御覽五百七十八

雉朝飛操者衛女傅母之所作也衛侯女嫁于齊太子申道問太

子死問傅母曰何如傅母曰且往當喪喪畢不肯歸終之曰死傅

母悔之取女所自操琴于冢上鼓之忽有二雉俱出墓中傅母撫

雌雉曰女果爲雉邪言未畢俱飛而起忽然不見傅母悲痛援琴

作操故曰雉朝飛藝文類聚九十御覽五百七十又見郭茂倩樂府

晉王謂孫息曰子鼓琴能令寡人悲乎息曰今處高臺邃宇連屋

重戶藿肉漿酒倡樂在前難可使悲者乃謂少失父母長無兄嫂

當道獨坐暮無所止文選魏武帝苦寒行注于此者乃可悲耳乃

援琴而鼓之晉王酸心哀涕曰何子來遲也御覽五百七十七

祝牧與妻偕隱作琴歌云天下有道我黼子佩天下無道我負子

戴馬駢釋史

家牒附

子雲曰甘露元年生文進王文集序注曰天鳳五年卒葬安陵阪上所厚

沛郡桓君山平陵如子禮弟子鉅鹿侯芭共為治喪諸公遣世子

朝臣郎吏行事者會送桓君山為斂賻起祠堂侯芭負土作墳號

曰玄冢載文類聚四十御覽五百五十八並引揚雄家牒案家牒不知何人何時所譌今附載揚雄集後

賜進士出身三品銜廣東籌處提刑按察使司按察使兼管驛傳事務黃岡王毓藻校刊

全漢文卷五十四終